



Nan'ngarijaujuq Margaret Nakashuk
Minista Havaktulijijitkunnut
Minista munarijaqaqtuq Havaktinut Aanniqtailinirmun Aannirumiklu Akiliuhiarvikhaq Katimajiita

Hikutirvia 7, 2022

Ministangit Atuqtakhangit

Halu Minista Netser:

Hivuliqtiplunga Nunavunmi, Titiraqtunga ilitugipkaijumaplunga atuqtakharnik **Minista Havaktulijijitkut** (HR). Angirutiqagiikhimajugut munagidjutiqaqtutin tamaat qanuriliuqtunun hulilukaarutingnik havaktauhimajut havagvingni, ilaujut:

- Ikajukhimaqaqtukhaq uqaudjiulutik Nunavut Kavamanmun ihumagijaujunik talvuuna havaktulijijitkungit nunalaani ikajukhimaqaqtainik;
- Tunihimaaqtutin hivuliqtiplutin pivalliadjutikharnik kavamanmi tamaat Inuit havaktukharnik hanaqidjutikharnik, ikayuutikharniklu kavamatkut piqagianganik hivunikhangit talvani ataani Naunaitkunmi 23mi Nunavut Nunaqaqqahimayunik Angirutaini.
- Ikajukhimaqaqtukhat havagviit aviktuqhimanirmi kuapuraisingit ihuarutikharnik havagviinun atuqtakharnik tikiutiijaangat amigairjumiliqtunik atuqtakharnik pinahuarutingnik ikajuutikharniklu; unalu
- Havakhimaarlutik allatqiingujuut piumaluaqtunik hanaqidjutikhangit hulilukaarutikharniklu naunajajaangat ikayuutikharniklu iniqtirutikharnik kavamangit atuqtakharnik Katujjiluta.

HIVULLIUTIJUKHAQ QANURILIURUTIKHAT

Katujjiluta ilauhimajuuq hanaqidjutikhangitni hulilukaarutikharniklu tallimaniitunik piumaluaqtajuni:

- Inirninguqtirniq ihumagittiaqtauluni Nunavunmi;
- Angiklihaqjuummirlugu iglukhaqarnikkut auladajtua;
- Pipkainirnianik aanniaqtailinirnun mamiharnirnullu;
- Pilluaffaarumanirnik iliharnirnun; imaalu
- Angiklihaqtirnikkut nunallaaptikni piangajautikhnik.

Havakhimaliktugut ilaujukharnik upautikhnik piumaluagijaptingnik, taima pilimaitaangat havagviit kituliqaak aviktuqhimanirmi kuapuraisingit hivuliqtilemaitun kiudjutikharnik tamainik hanaqidjutikharnik piumaluaqtaptingni havaanganik.

Angirutigivakhimajugut kiudjutiqaqtuhi hivuliqtijaangat piumaluaqtunik hanaqidjutikhangit hulilukaarutikhangitlu ilitagijauhimajut ataani. Una ilaujuq naunajainiq nalaumadjutikharnik tutqikhaidjutikharniklu hanaqidjutikhangit avatingni Nunavut Kavamangit (GN) havaqatigijaptingnilu, ihuarutiqaqhimaguni.

Hivuliujuq piumaluuaqtujuq, angirutiqagiikhimajutin havagianganik qilaminuaq hanaqidjutikharnik ukuninga:

- Tunihimaarlutin naunaitunik ikajutikharnik Katujilutanun talvuuna Havaktuliqijiitku (HR) aulajunik ihivriudjutikharnik malikhautikharnik pivalladjutingnik aulahimajut talvuuna aulatithimaaqtunik atuqtakharnik hivunikhaliurutingniituni (aulahimaaqtun).
- Havaqatigiiklugit havagviit talvani Nunalingni Kavamatkunillu Pivikhaqautikkut (CGS), Pivallayuliqiyikkut Ingilrayuliqiyitkullu (EDT), Kiinaujaliqujikitkulut pivalliaangat qanuriiliurutikharnik, havaktakharnik upalungairutikharnik kiklivikharniklu auladjutikharnik nalaumadjutikharnik Pivallajuliqijikkut Ingilrajuliqijikit (EDT) Nunalingni Kavamatkunillu Pivikhaqautikkutlu (CGS) (2022-23);
- Ikajukhimaarlugit Havagviat Pitquhiliqijikkut iniqtigijaangat Inuktut Uqauhirnik Ajuiqhautikharnik Hanaqidjutikhqaq Upalungairut aulatitijaangat aulaligumik 2023-24mi, ilaujt qiniqhiadjutikharnik piqaqtukharnik pivalladjutikharnik havaktuliqijikitutnik atuqtakharnik ikajuutiniaqtun uqauhirnik ajuiqhautikharnik pivalladjutikharnik hanaqidjutingnik (2022-23); unalu
- Ihivriudjutikhangit ihuarutikhangitlu havaktunun ihuaruhungituniku hanaqidjutitigun (2023-24).

Ikajugianganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Ihivriuqlugitlu ihuarutikharnik aulatitijaangat GNKut havaktiit iglukhangit ikajuutiqarlutik talvanga Nunavunmi Igluliqijurjuatkutnin (NHC), ilaulugitlu ihivriuqtijut Havaktinut Iglukharnik Tuniniaqtunik Katimajingit havaktauhimaaqtukharnik, ihivriuqlugitlu nuutaanguqtijatlu havaktinut iglukhangit atugakhat hivutunirmi upalungairutikharnik naituniklu atuqtakharnik hivunikhaliurutikharnik (2022-23);
- Ikajurlugit Havagviat Kavamaliqijikkut (EIA) ihivriuqtukhrnik aulahimajuq nuutiqhimajunun iitagijaangat pidjutikharnik hivutunirmik nuutiqhimaaqtukharnik (2022-23);
- Pivallialutik pidjutikharnik nuutaanik naunaitunik atuguminaqtunun havagvingmi atugakhat ikajuutikharniklu nuutiqhimajunun pidjutikhangit aituijaangatlu havaktiit ihuaqtumik atuguminaqtumik havagianganik talvani kituliqaak GNKutni havagviini avikturvinni (2022-23);
- Havaqatigiingnikut Nunavut Tunngavikkut Nunavut Tunngaviikut (NTI) Kanatam Kavamangit havaklutik aulajukharnik pingahunik havaktukharnik Inuit Havalihaaqtukharnik Ajuiqhautikharnik Upalungairutikharnik Hanaqidjutikharnik Katimajit (2022-23) ikajurlugitlu pivalladjutikharnik Inuit Havalihaaqtukharnik Ajuiqhautikharnik Upalungiarutikharnik Hanaqidjutikharnik (2023-24); unalu
- Havaqatigiittiarlutik Nunavunmi Igluliqijirjuakkut Kiinaujaliqujikitkulut ihivriuqtukharnik ihuaqhajaangatlu havaktunut iglukharnik atugakhaq ikajuutikharnik maningnik aulatithimaaqianganik havaktiit nuugianganik talvanga GNKutni havaktinut iglungnik akiligliaqatainun atuqtanik iglunun igluinunlu nanminigjakhainik (2023-2025).

ILAUJUT KIURUTIKHANGIT

Ilaujukharnik talvani atuqtakharnik piumaluuaqtainik titiraqhimagut qaangani, kiugiaqtautinlu taimaitkuvin:

- Ilaujut Ministait Katimajiuut talvani Ihumaliuffaarniq talvuuna Ilihainikkut Ajuiqhautikharniklu

HAVAQATIGIIRNIKKUT

Katujjiluta atiinaungituq uvani atuqtakhaptinqiit. Malikhautikhraq hivunikhalirutiqaqhimajuq naunairutiqaqtuq atuguminaqtumik auladjutikharnik qanuq havaqatigiirniaqtugut atautimiitluta iniqtigijaangat uqagiikhimajaptingnun Nunavunmun. Ilitugipkaktilutin piumaluaqtangnik, ajungnairutiqaqhimajunga taimailiurniaqtugut:

- **Havangniaqtavut Ministangit Katimajijiujutlu aulatitijaangat iliqatigiiktakharnik aturniaqtaptngi;**
- **Hviutunirmun akhuqhaidjutikharnik havaqatigiiktukharnik Nunavut Tunngavikkut Timinga Avikturnirmiitun Inuit Katimajiingit nalautitijaangat hanaqidjutikhaptinqik hivunirmun naunaitumun auladjutikharnun;**
- **Napaqtigijaangat katiqhimanikkut ikajuutikharnik amigairjumiqhimajut ihuarutikharnik Inuit havaktikharnik talvani kavamanmi havakhimaqtunik ikajuktunun; unalu**
- **Tautuktihimaarlutiklu Inuit inuuqatigiingnikkut akhurutigijangit unalu Inuit Qaujimajatuqangit hanaqidjutikharnik iniqtigijaangat naunaituq hivutunikharnik allanguqtirutikharnik.**

Tuglia Atangujatigun kiudjutiqaqhimajurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqtutin tunijaangat naunaitunik havaktauhimajukharnik talvunga Tuglia Atangjarnun, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikharnik naunairutiqaqhimajut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhaptinqun.

Pittiarnikkut,

P.J. Akeeagok
Hivuliqtu Nunavunmun

cc. Jimi Onalik, Tugliuyuq Ministamun Tikkuaqtauhimajununlu Katimajiit Titiraqtii,
Kavamaliqiyitkunni